

ստեղծագործութեանց, այլեւ ամբողջ Հայաստանի»:¹ Դրա հետեւանքով է, որ մայիսի սկզբին Ա. խառնաշարժի կառավարության կազմում հրաժարական է տալիս նաեւ Ն. Աղբալյանը: Կազմվում է նոր կառավարություն Դաշնակցության բյուրոյի անդամներից: Հանրային կրթության և արվեստի նախարար է նշանակվում Գևորգ Ղազարյանը: Վերջինս լինելով հմուտ մանկավարժ և կազմակերպիչ, շարունակեց Ն. Աղբալյանի սկսած կրթական բարեփոխումների քաղաքականությունը: 1920թ.-մայիս-հունիս ամիսներին նախարարների խորհուրդը ընդունեց մի քանի օրենսդրական ակտեր, որոնց համար հիմք էին հանդիսացել 1919/20 ուս. տարում նախարարության կողմից մշակած օրինագծերը: Հայ մանկավարժությունը շարունակում էր ակտիվորեն մասնակցել երկրի հասարակական քաղաքական կյանքին: Խորհրդային իշխանության հաստատումից հետո, հայ մանկավարժությունը շարունակում էր անձնուրաց նվիրումով նոր սերունդներ կրթել հայրենիքի վերածննդի համար:

ԳՐԻՇԱ ՀԱՐՈՒԹՅՈՒՆՅԱՆ

ՀԱՅԿԱԿԱՆ ԳԻՎԻԶՈՒՄՆԵՐԻ ՂԱՏՄՈՒԹՅԱՆ ԼՈՒՍԱԲԱՆՈՒՄԸ ՀԱՅ ՂԱՏՄԱԳԻՏՈՒԹՅԱՆ ՄԵՋ /1941-2001թթ./

Խորհրդային Միության Հայրենական մեծ պատերազմը /22.6.1941թ.-9.5.1945թ./ ծանր փորձություն հանդիսացավ ինչպես Միության բոլոր ժողովուրդների, այնպես էլ հայ ժողովրդի համար: Միայն ԽՍՀՄ մարդկային անվերադարձ կորուստները կազմեցին 26,6 միլիոն մարդ², իսկ հայ ժողովրդին՝ ավելի քան 200000 մարդ, որից 100000-ը՝ Խորհրդային Հայաստանից: Ընդհանուր առմամբ պատերազմին մասնակցեց 600000 հայ, որի կեսից ավելին՝ Հայաստանից³: Հայ ռազմիկներից շուրջ 67000-ը պատերազմին մասնակցեց Կարմիր բանակի կազմում գոյություն ունեցած հայկական վեց-պզգային դիվիզիաների շարքերում⁴: Այդ դիվիզիաներից հինգը՝ 89-ը, 261-ը, 408-ը, 409-ը և 390-ը կազմավորվել են 1941-1942 թվականներին, առաջին չորսը Խորհրդային Հայաստանի տարածքում, վերջինը՝ Կերչում: Հայկական 76-րդ լեռնահրաձգային դիվիզիան կազմավորվել էր Լավելի վաղ՝ 1920-1922 թվականներին: Հայաստանի առաջին հանրապետության բանակի, ապա Հայկական Կարմիր բանակի վերակառուցման հետեւանքով⁵: Հայկական դիվիզիաները մարտական դժվարին ուղի անցան Մեծ Հայրենականի տա-

¹ Ուրեմ. Հայ յեղափոխականի մը յիշատակարանները, էջ 287-288:

² Россия и СССР в войнах XX века. Потери вооруженных сил. статистическое исследование, М., 2001, с. 229.

³ Ավետիսյան Դ. Ա., Դարի խոշորագույն իրադարձությունը, «Պատմա-բանասիրական հանդես», 1995, թիվ 2, էջ 60:

⁴ Հարությունյան Կ. Ա., Դ. Դ. Մանուկյան, Հայ ժողովրդի ավանդը Հայրենական մեծ պատերազմում տարած հաղթանակում 1941-1945թթ., Ե., 2001, էջ 20:

⁵ Սնացակալյան Ա. Ն., Միասնական շարքերում, Ե., 1975, էջ 65-66:

րիներին և իրենց արյան զնով նախատեցին ֆաշիզմի ջախջախման գործին: Նրանցից 89-րդ դիվիզիան Կովկասի նախալեռներից՝ Կուրանի, Թամանի, Կերչի, Դրիմի, Լեհաստանի տարածքներում մղված հերոսական մարտերով հասավ Չեր-մանիա և իր արժանի ավանդը ներդրեց Բեռլինի գրավման ճակատամարտում: Պատերազմի հաղթական ավարտի ժամանակ միավորման դրոշը զարդարում էին Կարմիր աստղի, Կարմիր դրոշի և Կուտուզովի 2-րդ աստիճանի շքանշանները. դիվիզիան կրում էր Թամանյան, իսկ նրա երկու զնդերը՝ Սևաստոպոլյան պատվա-վոր անունները: Մոզդոկի մոտից՝ Կուրանի, Ուկրաինայի, Մոլդովայի տարածքնե-րով դեպի Ումինիա, Զոնգարիա, Ավստրիա և Չեխոսլովակիա ձգվեց Զայկական 409-րդ հրաձգային դիվիզիայի մարտական ուղին: Մարտերում տարած հաղթա-նակների համար դիվիզիան պարգևատրվեց Բոգոան խմելնիցկու 2-րդ աստիճա-նի շքանշանով, արժանացավ Կիրովոգրադյան և Բրատիսլավյան պատվավոր ա-նունների¹: Իր անձնակազմի արյան զնով Զայկական 408-րդ հրաձգային դիվի-զիան 1942թ. աշնանը ձախողեց Նովոռոսիյսկի և Տուապսեյի վրայով Անդրկով-կաս ներխուժելու գերմանաֆաշիստական հրամանատարության պլանները, թույլ չտալով թշնամուն անցնել կարևոր նշանակության լեռնանցքները՝ Փշիշ գետ Ան-մաշիտ լեռ-Գորդ-Շահունյան տեղամասում². 1942թ. փետրվար-մարտ ամիսներին Կերչում դաժան մարտեր էր մղում Զայկական 390-րդ հրաձգային դիվիզիան, որը բացառիկ դժվարին պայմաններում իր վրա կրեց հակառակորդի կենդանի ուժի ու տեխնիկայի մի քանի անգամ բվապես գերակշիռ ուժերի հարվածները: Շուրջ ե-րեք ամիս տևած արյունահեղ մարտերում, տեղում գամելով թշնամու մեծաքա-նակ հարվածային զորամասերին, դիվիզիան զգալի չափով թեթևացրեց Սևաստո-պոլի հերոսական պաշտպանների դրությոնը, ինչպես նաև նախատեց Կերչի վրա-յով Կովկաս ներխուժել ցանկացող թշնամու ուժերի առաջախաղացման ժամա-նակավորապես դադարեցմանը³:

Զայկական ամենախիճ միավորումը՝ 76-րդ լեռնահրաձգային Կ. Ե. Վորո-շիլովի անվան կարմրադրոշ դիվիզիան էր, որն ինչպես արդեն նշեցինք, կազմա-վորվել էր Զայաստանում՝ 1920-1922 թվականներին: Չնայած 1938թ. ամռանը այն վերակազմավորվել էր և դարձել ոչ ազգային զորամիավորում, պատերազմի սկզբին համալրվելով հանրապետության մարդկային և նյութական միջոցների հաշվին, դիվիզիան կրկին ձեռք էր բերել իր նախկին ազգային տեսքը. նրա անձ-նակազմի երկու երրորդը կազմում էին հայերը: 1941-1945թթ. դիվիզիան փառա-պանծ մարտական ուղի անցավ մասնակցելով խորհրդային զորքերի իրանական գործողությանը, Ուկրաինայի արևելյան շրջանների ծանր մարտերին, Ստալինգ-րադի ճակատամարտին՝ արժանանալով զվարդիական կոչման և պարգևատրվե-լով Լենինի շքանշանով, Կուրսկի աղեղի հաղթանակի շրջանում տեղի ունեցած հերոսամարտին, Բելոռուսական գործողությանը՝ արժանանալով Վիտեբսկյան, իսկ նրա զնդերը՝ Պոլոցկյան պատվավոր անունների, այնուհետև մարտնչել

¹ Боевой путь 409-й стрелковой Кировоградско-Братиславской ордена Богдана Хмельницкого Армянской дивизии /1941-1945 гг./: Сборник документов и материалов, Е., т. 1, 1980, с. 12-32.

² Оспирян С. М. 408-я Армянская стрелковая дивизия в битве за Кавказ, Е., 1985, с. 128.

³ Եովնասյան Ս. Զ., Մեծ Զայկականի ճակատներով, Ե., 1975, էջ 102-178:

Լատվիան և Լիտվիան գերմանաֆաշիստական զավթիչներից ազատագրման համար¹:

Պատերազմական գործողություններին չմասնակցեց միայն Հայկական 261-րդ հրաձգային դիվիզիան: Չնայած դրան այն մեծ գործ կատարեց Հայաստանի տարածքում խորհրդա-թուրքական սահմանի պաշտպանության բնագավառում, ինչպես նաև երթային վաշտեր պատրաստեց ռազմաճակատի համար. պատերազմի տարիներին դիվիզիան գործող բանակ ուղարկեց ավելի քան 10000 զինվոր ու սպա²:

Ինչպես երևում է վերոհիշյալից, հայկական ազգային դիվիզիաների պատմությունը սերտորեն առնչվում է ոչ միայն Հայրենական մեծ պատերազմին հայ ժողովրդի մասնակցության հիմնահարցի, այլև 1920-1930-ական թվականներին խորհրդային Հայաստանի ազգային ռազմական շինարարության խնդիրների հետ: Ուստի պատահական չէ, որ հայ պատմագրությունը մեծ տեղ է հատկացրել նաև հայկական գորամիավորումների պատմության ուսումնասիրությանը: Այդ գորամիավորումների պատմության լուսաբանումն այսօրվա պայմաններում ավելի և ավելի ծաղկում է գործնական կարևոր նշանակություն ստանում, քանի որ այն մեծ չափով նպաստում է մատաղ սերնդի ռազմահայրենասիրական դաստիարակությանը ընդհանրապես, երրորդ հանրապետության զինված ուժերի անձնակազմերին հայկական դիվիզիաների՝ հերոսական, մարտական փառապանծ ավանդույթների ոգով ուսուցանելու գործին՝ մասնավորապես:

Հայ պատմաբաններից առաջինները Հայրենական մեծ պատերազմին հայերի մասնակցության, այդ թվում հայկական դիվիզիաների պատմության հիմնահարցի գիտական մշակմանը ձեռնամուխ եղան ռազմաճակատից տուր վերադարձած հայ պատմաբանները, որոնց համար աղբյուրագիտական կարևոր բազա հանդիսացավ Հայաստանի ԳԱ Պատմության ինստիտուտի Հայրենական մեծ պատերազմի կաթինետը և նրա արխիվը, որ կազմավորվել էր 1942թ. ակադեմիկոս Յովսեփ Օրբելու նախաձեռնությամբ: Ինտագայում այդ հայրենամեծ պատերազմի մեծ ընդգրկվեցին ավելի երիտասարդ կադրեր, որոնք հնարավորություն ստացան պարբերաբար աշխատել ոչ միայն Հայաստանի, այլև նրա սահմաններից դուրս գտնվող զինվորական, պետական և կուսակցական արխիվներում, գրադարաններում ու թանգարաններում:

Հայ պատմաբաններից առաջինը Հայրենական մեծ պատերազմին հայ ժողովրդի մասնակցության հիմնահարցը լուսաբանել է պատմական գիտությունների դոկտոր, պրոֆեսոր Արամայիս Մնացականյանը: 1947թ. երևանում նա հրատակարեց իր՝ «Հայ ռազմիկների հերոսական տարեգրությունները», 1954-ին՝ «Հայ ժողովուրդը Հայրենական մեծ պատերազմում», իսկ 1975-ին՝ «Միասնական շարքերում» մեմագրությունը, որտեղ Հայրենական մեծ պատերազմին հայ ժողովրդի մասնակցության ընհանուր հիմնահարցի հետ միասին, համառոտակի ընդհանուր հիմնահարցի հետ միասին /6-7 էջի սահմաններում/ լուսաբանել է նաև հայկական դիվիզիաների մարտական ուղին: Նույն հեղինակի գրչին է պատկանում նաև հայ ժողովրդի պատմության ակադեմիական ու փաստորյակի վերջին

¹ 76-я Армянская стрелковая Краснознаменная им. К. Е. Ворошилова 51-я Гвардейская Витебская ордена Ленина дивизия 1920-1945 гг. Сборник документов и материалов. Е., 1976, с. 5-12; Հայ ժողովրդի պատմություն, հ. 8, Ե., 1970, էջ 46-56:

² Հայ ժողովրդի պատմություն, հ. 8, Ե., 1970, էջ 46-56:

հատորի 1-ին գլուխը, դրտել 10 էջ հատկացված է հայկական զորամիավորումների ստեղծման հարցին¹:

Հայրենական մեծ պատերազմի ժամանակաշրջանը լուսաբանած պատմաբաններ՝ Սերվարդ Խարմանդարյանը, Երվանդ Խալեյանը, Կառլեն Միրզախանյանը, Վիկտոր Մուրադյանը իրենց աշխատություններում համառոտակի անդրադարձել են նաև հայկական դիվիզիաների պատմությանը՝ դրան հատկացնելով ընդամենը 1-2 էջ²:

Ամբողջապես մեկ դիվիզիայի պատմությանը նվիրված առաջին աշխատությունը հրատարակել է պատմական գիտությունների դոկտոր, պրոֆեսոր Դևոնդ Դալլաքյանը. «Մարտական 89», Ե., 1966, 325 էջ: Չնայած արխիվային փաստերի աղքատության, Հայկական 89-րդ թամանյան եռակի շքանշանակիր դիվիզիայի վետերանի ուսումնասիրությունը իր ժամանակին գիտական պատշաճ գրված առաջին գիտական աշխատությունն էր: Դիվիզիայի մեկ այլ վետերան, պատմական գիտությունների դոկտոր, պրոֆեսոր Արշավիր Հակոբյանի՝ «Կովկասյան նախալեռներից մինչև Բեռլին-Էլբա» /Ե., 1991, 348 էջ/ մենագրությունը լուրջ ներդրում էր հայկական զորամիավորումների պատմության հիմնահարցի ուսումնասիրության ասպարեզում: Այն շարադրված է ոչ միայն ականատեսի աչքերով, այլ նաև հարուստ արխիվային նյութերի ժողովածուի հիման վրա, որի արխիվային փաստաթղթերն ու նյութերը ամբողջովին ԽՍՀՄ պաշտպանության կենտրոնական արխիվից հայտնաբերել և հրատարակության էր պատրաստել պատմական գիտությունների դոկտոր Կլիմենտ Հարությունյանը: Ժողովածուն կազմողների թվում էին՝ պատմական գիտությունների դոկտոր, ՀԽՍՀ Արխիվային վարչության պետ Աշոտ Հարությունյանը, նույն վարչության առաջատար մասնագետներ Օկտյաբրինա Բալիկյանն ու Էմմա Աարզայանը: Նշենք, որ հեղինակային նույն խմբի քանքերով 1976թ. հրատարակվել էր «Հայկական 76-րդ Կ. Ե. Վորոշիլովի անվան կարմրադրոշ 51-րդ գվարդիական Վիտեբսկյան Լենինի շքանշանակիր հրաձգային դիվիզիան 1920-1945թթ.» փաստաթղթերի ու նյութերի ժողովածուն / 300 էջ/: 1980-1981թթ. Աշոտ Հարությունյանը և Հրանտ Հովհաննիսյանը կազմել ու հրատարակել էին «409-րդ հրազգային Կիրովագրայան-Քրատիսլավյան, Բոգդան Խմելնիցկու շքանշանակիր Հայկական դիվիզիայի մարտական ուղին /1941-1945թթ./» փաստաթղթերի ու նյութերի ժողովածուն: Վերոհիշյալ երեք ժողովածուներն էլ լույս են տեսել «Բանբեր Հայաստանի արխիվների» հանդեսի միացյալ հատուկ համարներում: Հրատարակված ժողովածուները արխիվային կարևոր աղբյուր հանդիսացան հայկական դիվիզիաների պատմությանը զբաղվող պատմաբանների համար: Այսպես օրինակ, դիվիզիայի վետերան Գրիգոր Աբրահամյանը օգտագործելով Հայկական 89-րդ Թամանյան եռակի շքանշանակիր հրաձգային դիվիզիայի մարտական ուղին լուսաբանող ժողովածուն 1994թ. երևանում հրատարակվեց «Հայկական 89-րդ Թամանյան հրաձգային դիվիզիան

¹ Նույն տեղում, էջ 46-56:

² Ս. Վ. Խարմանդարյան, *Հայ ժողովրդի մարտական համագործակցությունը Խորհրդային Միության ժողովուրդների հետ՝ միասին Հայրենական մեծ պատերազմում*, Ե., 1955 /*ռուսերեն*/, Շ. Պ. Աղայան, Ե. Ս. Խալեյան, *Ուրվագծեր Սովետական Հայաստանի պատմություն, մաս 3*, Ե., 1959, 4. Ժ. Միրզախանյան, *Հայաստանի կոմերիտությունը Հայրենական մեծ պատերազմի տարիներին*, Ե., 1956, Վ. Ս. Մուրադյան, *Հայաստանի կոմկուլը Հայրենական մեծ պատերազմի տարիներին*, Ե., 1984 /*ռուսերեն*/ և այլն:

³ *Боевой путь Армянской Таманской дивизии Красного Знамени, Кутузова 2-й степени, Красной Звезды дивизии 1942-1945 гг., Сборник документов и материалов*, Е., 1985, 747 с. *травля* :

Հայրենական մեծ պատերազմի վերջին փուլում» /ռուսերեն/ մեծագործությունը, ինչպես նաև մեկ տարի անց պաշտպանեց դոկտորական ատենախոսություն: Սակայն փոխանակ տողատակերում նշելու օգտագործած ժողովածուի համապատասխան էջերը, հեղինակը դրա փոխարեն, հակառակ գոյություն ունեցող կարգի, իբրև աղբյուր ցույց է տվել ժողովածուում տեղ գտած փաստաթղթերի արխիվային ֆոնդերի ցուցակներն ու գործերը:

Տարիների ընթացքում թամանյան դիվիզիայի պատմությունը իրենց հուշագրություններում լուսաբանել են պատմական գիտությունների դոկտոր, պրոֆեսոր Խիկար Բարսեղյանը, դիվիզիայի 390-րդ հրաձգային զնդի հրամատար Երվանդ Կարապետյանը, «Կարմիր զինվոր» թերթի խմբագիր Սիմոն Նալբանդյանը և ուրիշներ:

Հայ պատմաբաններից առաջինը գիտական հատուկ ուսումնասիրություն է գրել Հայկական 76-րդ հրաձգային դիվիզիայի մասին Կլիմենտ Հարությունյանը: 1972թ. նա թեկնածուական ատենախոսություն է պաշտպանել այդ դիվիզիայի պատմության հիմնահարցի վերաբերյալ, 1980թ. հրատարակել է «51-րդ զվարդիական դիվիզիայի մարտական ուղին» գիրքը, իսկ 1994թ. պաշտպանել դոկտորական ատենախոսություն «Հայկական ազգային զորամիավորումները 1918-1945թթ.» թեմայով, որտեղ բացառապես արխիվային փաստերի հիման վրա նորովի են լուսաբանվել հայկական բոլոր դիվիզիաների, այդ թվում 76-րդ դիվիզիայի պատմությունը:

Հայկական 76-րդ լեռնահրաձգային դիվիզիայի պատմության որոշ հարցեր են փորձել լուսաբանել պատմական գիտությունների դոկտոր, պրոֆեսոր Արշակ Վարդապետյանը՝ «Զվարդիական դրոշի ներքո» Խ., 1978/ գրքում: Հեղինակը ծանոթ լինելով դիվիզիայի պատմության վերաբերյալ հրատարակված փաստաթղթերի ու նյութերի ժողովածուին, անձամբ հիմնովին չաշխատելով համապատասխան արխիվներում, չի կարողացել հաղթահարել թեման և ստեղծել է բազմաթիվ փաստական անճշտություններով, աղավաղումներով ու կոպիտ սխալներով լի մի գործ, որը ժամանակին արժանացել է համապատասխան մասնագետների քննադատական խոսքին:

Հայ պատմաբաններն անդրադարձել են նաև Հայկական 408-րդ հրաձգային դիվիզիայի պատմությանը: Հատկապես արժեքավոր գործ է կատարել դիվիզիայի քաղբաժնի նախկին պետ, զնդապետ, պատմական գիտությունների թեկնածու Սիմոն Սարգսյանը: ԽՍՀՄ Պաշտպանության նախարարության կենտրոնական արխիվի համապատասխան ֆոնդերի և անձնական հուշերի հիման վրա 1965թ. նա Երևանում հրատարակել է «Այրվող անտառ», իսկ 1985-ին՝ «Հայկական 408-րդ հրաձգային դիվիզիան Կովկասի համար մղված ճակատամարտում» գրքերը: «Վերջինս՝ ռուսերեն/ Վերոհիշյալ դիվիզիայի պատմությանն է անդրադարձել նաև պատմական գիտությունների դոկտոր, պրոֆեսոր, այդ միավորման «Հանուն հայրենիքի» թերթի նախկին խմբագիր Արշավիր Հակոբյանը²:

Հայկական 390-րդ հրաձգային դիվիզիայի պատմության որոշ հարցեր լուսաբանվել են Գրիգոր Աբրահամյանի գրքի մի քանի էջերում³: Նույն թվականին

¹ Բարսեղյան Խ. Հ., Այսպես ապրեցին, Ե., 1985, Կարապետյան Ե., Անմահության ծանապարհով, Ե., 1969, Նալբանդյան Ս. Ա., Հայ թամանցիներ, Ե., 1947, Թամանցիներ, Ե., 1961, Մարտական «Կարմիր զինվորը», Ե., 1981 և այլն:

² Հակոբյան Ս. Ա., Հերոսական մարտերում, Ե., 1975, էջ 3-62:

³ Абрамян Г. С., Мощная орудия советских войск в боях за Крым 1941-1942, Е., 1975, с. 72-100.

երևանում դիվիզիայի նախկին քաղաքաժնի պետ Սուրեն Թովմասյանը հրատարակեց «Մեծ Հայրենականի ճամփաներով» հուշագրությունը, որի 102-186 էջերը ամբողջովին նվիրված են Կերչի թերակղզում 1942թ. մարտ-մայիս ամիսներին միավորման մղած հերոսական մարտերի լուսաբանմանը: 390-րդ դիվիզիայի մասին համառոտ, բայց խիստ արժեքավոր տեղեկություններ կան նաև Սիմոն Սարգսյանի «51-րդ բանակի մարտական ուղին» աշխատության մեջ, որը լույս է տեսել 1983թ. Մոսկվայում լուսերևոյ:

Հայկական բոլոր վեց դիվիզիաների մասին արժեքավոր տվյալներ են պարունակում զնդապետ Գուրգեն Բուռնազյանի «Անդրկովկասյան հանրապետությունների ազգային զորամիավորումները Հայրենական մեծ պատերազմում /1941-1945թթ./» դոկտորական ատենախոսության մեջ, որը պաշտպանվել է Երևանում՝ 1968 թվականին: Ինչպես արդեն նշեցինք զուտ հայկական դիվիզիաների պատմությանն է նվիրված Կլիմենտ Հարությունյանի «Հայկական ազգային զորամիավորումները 1918-1945թթ.» դոկտորական ատենախոսությունը, որը նոր խոսք է հայ պատմագրության ասպարեզում: Կ. Ա. Հարությունյանը հայկական դիվիզիաների պատմությանը անդրադարձել է նաև իր բազմաթիվ մենագրություններում և զիտական հոդվածներում¹:

Այսպիսով, վերը շարադրածից պարզվում է, որ առ այսօր հայ պատմագրությունը զգալի և շնորհակալ աշխատանք է կատարել հայկական դիվիզիաների պատմության հետազոտման բնագաձառում՝ ստեղծելով մեծարժեք մենագրություններ, արխիվային փաստաթղթերի ու նյութերի ժողովածուներ, բազմաթիվ հոդվածներ: Սակայն, եթե այդ առումով ավելի բարվոք վիճակում են գտնվում 89-րդ, 76-րդ և 408-րդ դիվիզիաների պատմության ուղղությամբ կատարված աշխատանքները, ապա նույնը չենք կարող ասել մյուս դիվիզիաների վերաբերյալ: Առ այսօր արխիվային փաստաթղթերի ժողովածուներ չեն կազմվել՝ նվիրված հայկական 390-րդ, 261-րդ և 408-րդ դիվիզիաների պատմությանը: Չկան հատուկ մենագրություններ նվիրված 390-րդ, 261-րդ, 409-րդ դիվիզիաների պատմությանը: Ուրեմն հայ պատմաբանների առաջնախերթ խնդիրներից է պատմության մեջ եղած այդ բացի վերացումը: Այն մեծ չափով կնպաստի Հայրենական մեծ պատերազմին հայ ժողովրդի մասնակցության հիմնահարցի բազմակողմանի լուսաբանմանը, ինչպես նաև մատաղ սերնդի և Հայկական բանակի անձնակազմի ռազմա-հայրենասիրական դաստիարակության գործին:

¹ Հարությունյան Կ. Ա., *Հայ ռազմիկները Չեխոսլովակիայի ազատագրման համար մղված մարտերում /1944-1945թթ./*, Ե., 1983; *Հայ ռազմիկները Ֆրանգարիայի և Ավստրիայի ազատագրման մարտերում /1944-1945թթ./*, Ե., 1990; *Հայ ժողովրդի մասնակցությունը Երկրորդ համաշխարհային պատերազմին /1939-1945թթ./*, Ե., 2001; *Հայ ժողովրդի ավանդող Հայրենական մեծ պատերազմում տարած հաղթանակում 1941-1945թթ.*, Ե., 2001 /Բ. Հ. Մանուկյանի համահեղինակությամբ/; *Հայկական ազգային զորամիավորումների մասնակցությունը Հայրենական մեծ պատերազմին*, «Պատմա-բանասիրական հանդես», 1995, թիվ 1, էջ 53-72; Ու՛մ են պետք պատմական հետազոտությունների նման «Ճշտումները», «Էրաբեր՝ հասարակական գիտությունների», 2000, թիվ 2, էջ 177-191 /հուսերեն/; *Հայկական դիվիզիաները Հայրենական մեծ պատերազմի տարիներին*, «Հայկական քառակ», 2000, թիվ 2, էջ 16-31 և այլն: